

մի բան. նա հասկացաւ իր արարքի վնասակարութիւնը եւ ամէն կերպ աշխատում էր իր հօտը մօտեցնել հայոց եկեղեցուն, որից այնպէս դաժան ու կոպիտ կերպով պոկել էր:

Փիլիսոփայոս կաթողիկոսը մի եւթ գտաւ Թորոսովիչի կաթողիկոսիւն ընդունելու հետեւանքով ստեղծուած կացութիւնից. նա իրաւունք տուեց Թորոսովիչին անձնապէս, պատարագի ժամանակ, կաթողիկոսի անունից առաջ յիշել պապի անունը, բայց էջմիածնի աթոռին վերապահեց յետագային Լվովի արքեպիսկոպոս նշանակելու իրաւունքը:

Թորոսովիչը վերադարձաւ Լվով բոլորովին հաշտուած թէ՛ հայոց կաթողիկոսի եւ թէ՛ իր հօտի հետ:

Այժմ նրա հանդէպ կարող կերպով փոխուեց լատին եկեղեցու ներկայացուցիչների վերաբերումը: Առաջ խօսք չէին դառնում գովելու համար, այժմ արատ ու թերութիւն չկար, որ չվերագրէին նրան: Մասնանշում էին նրա բարքերի անկման վրայ, որ վաղուց էր յայտնի եւ միայն այժմ էր հաշուի առնուում: Ասում էին, որ Թորոսովիչը վատնել է եկեղեցիների գոյքերը, որոնք իրեն էին յանձնուած հէնց կաթողիկ հոգեւորականութեան եւ աշխարհիկ իշխանութեան կարգադրութեամբ ու օգնութեամբ, եւ այն: Վերջապէս, համաձայնըւեցին հանդիստ թողնել նրան, եթէ նա Հրոովից բերել տայ մի առաքելութիւն, գլխաւորութեամբ հայ եկեղեցական հարցերի մասնագէտ Հ. Կղեմէս Գալանին, որպէսզի սա իր ձեռքն առնէ Լեհաստանի հայերի հոգեւոր գործերի ղեկավարութիւնը եւ կազմակերպէ հոգեւոր վարժարան երկուսասարդ հայերից քահանայական պաշտօնեաներ պատրաստելու նըպատակով:

Թորոսովիչը կամայ ակամայ ընդունեց այս առաջարկութիւնը, եւ 1664 թ. Մայիս 1-ին Լվով հասան թէպիին հայրերը Կ. Գալանի գլխաւորութեամբ: Յաջորդ տարի նրանք բացին ծրագրուած հոգեւոր վարժարանը, ուր դաստիարակեցին մի շարք կղերականներ, որոնց մէջ եւ Կեսարացի Վարդան Յունանեանը, որը յետոյ դարձաւ Թորոսովիչի աթոռակիցը, իսկ նրա մահից յետոյ, նաեւ Լվովի արքեպիսկոպոսը:

Մինչեւ 1708 թ. այս դպրոցը ծառայում էր միայն հայ ունիտորների կարիքներին, իսկ այդ տարուանից նրա մէջ սկսուեցին ընդունուել եւ ուսանին ունիտորներ, եւ վարժարանը կորցրեց իր հայկական բնոյթը:

Եկած թէպիինները հետզհետէ իրենց ձեռքը առին հայոց եկեղեցու միութեան գործը հռովմէական եկեղեցու հետ:

Այժմ Թորոսովիչը թշնամաբար էր վերաբերում դէպի այդ գործը եւ բոլոր ընդհարումներին մէջ պաշտպանում էր իր հօտը: Այն ժամանակ թէպիինները՝ համախորհուրդ Լեհաստանի պապական նուիրակի հետ՝ մձուեցին հեռացնել նրան Լվովից, որպէսզի իրենց ձեռքերն ազատ լինին, եւ 1667 թ. Թորոսովիչ մեկնեց Հոովմ, ուր նրան աւելի քան 7 տարի, մինչեւ 1674 թ. Դեկտեմբեր ամիսը պահեցին պատուաւոր գերութեան մէջ: Եւ նոյն հայ համայնքը, որ առաջ անհաշիւ գանգատներ էր տալիս եւ պահանջում նրա պաշտօնանկութիւնը, հիմա յամառ կերպով պնդում էր, որ վերադարձնեն Լվով:

Սակայն, նրանց ճիգերը արդիւնք չէին տալիս: Հռովմի աթոռը թէպիիններին տուեց բացարձակ հնարաւորութիւն՝ աւարտելու եկեղեցիները միութեան գործը, առանց որ Թորոսովիչը կարողանայ խանգարել:

Վերջապէս, գիջելով լեհահայ գաղութի թախանձագին խնդրանքներին՝ պապը համաձայնուեց ազատ թողնել Թորոսովիչին, բայց մեկնելուց առաջ ստիպեց նրան իրեն համար աթոռակից նշանակել, cum iure seccendi՝ իր մահուանից յետոյ յաջորդելու իրաւունքով, Վարդան Յունանեանին:

1674 թ. Դեկտեմբերին, Թորոսովիչը Յունանեանի հետ միասին մեծ պատիւներով ճանապարհ դրուեց դէպի Լվով: Բայց այստեղ դարձեալ չարդարացրեց պապի ակնկալութիւնները: Պաշտպանելով հայերին՝ նա արդեւ էր հանդիսանում թէպիինների եւ Յունանեանի ջանքերին՝ արագացնելու միութիւնը:

Յունանեանը, տեսնելով, որ իր ներկայութիւնը Լվովում բոլորովին աննպատակ է, մեկնեց Հայաստան միսիոնարական աշխատանքների համար: